

Nuuk 27. juni 2024

Inatsisartut suleriaasianni § 37 imm. 1 najoqqutaralugu Naalakkersuisunut imaattunik apeqquteqarpunga:

## Apeqqut:

- 1) Apeqquteqaammut akisummi nr. 71/2024<sup>1</sup> Naalakkersuisut oqaatigivaat ukioq 2025 aallarnerfigalugu kalaallit kilisaatini naalakkat, aqummiut, aalisartullu inuttassat ukiortaaq 2025 aallartiffigalugu atuutilissaasoq politikikkut isumaqatigiissut malillugu. Royal Greenland-ip kilisaataasa kalaallinik inuttalersorneqarnissaannut Januarip aallaqqaataani 2025 atuutilertussaq piareersarlugu aallartinneqareerpa?
  - a. Aammalu qaqugu umiarsuit naalagassaat kalaallit aammalu aqumiut inuttassallu kalaallit atorfinitsinneqassappat?
- 2) Nalunaarutissaq inuttat kalaalinngortinnissaannut suliarinera sumut killippa?
  - a. Aammalu nalunaarutissap suliarinerani kikkut suleqataappat?
  - b. Umiarsuarni innuttat kilisaatersornermi peqatigiiffik inuttalersuinissamut nalunaarutissat suliarineqarnerani ilaatinneqarpaat?
  - c. Aammalu suliat inuttalersuinissamut tunngasut nalunaarutissat qaqugu naammassineqassappat?
  - d. Qaqugu inuttassarsiuussinissat aallartissappat?

(Inatsisartuni ilaasortaq Hans Enoksen, Naleraq)

## Tunngavilersuut:

Ukiortaaq 2025 aallarfigalugu politikikkut isumaqatigiissutaavoq kilisaatini Royal Greenland-ip pigisaani naalakkat aqummiut aalisartullu tamarmik kalaalinngortinneqassasut. Pissutsit pilersaarutillu tamakku naammassiniarlugit nalunaarutissat qanga suliaralugit aallartinneqarnersut paaserusunnarpoq, tassami politikikkut ukiarmi isumaqatigiissutaavoq kalaallit aalisartut naalakkallu tamakkiisumik oqartussaaffimmik tigusaqassasut tamannalu naammassineqartariaqarpoq, tassami isumaqatigiissutit isumaqatigiissutaapput nammassineqartussat.

Apeqqutima ullut qulit iluanni akineqarnissaat piumasaraa inatsisartunut siunnersuusiornissamut paasisissutissat amigaataammata.

---

<sup>1</sup> [ina.gl/media/bvin0pnb/071\\_2024\\_groenlandske\\_fiskeriofficer\\_og\\_bemanding\\_hans\\_akissut.pdf](http://ina.gl/media/bvin0pnb/071_2024_groenlandske_fiskeriofficer_og_bemanding_hans_akissut.pdf)